

Naalakkersuinikkut Ataqtigiissaarisoqatigiit ullormi marlungorneq 16. februar 2016-imi nal. 13.00 - 17:00 Hotel Hans Egedemi Nuummi ataatsimiinnerannik imaqarniliaq.

Naalakkersuisunit peqataasut:

Naalakkersuisut Siulittaasuat, Kim Kielsen
Aningaasaqarnermut Aatsitassanullu Naalakkersuisoq, Randi Vestergaard Evaldsen
Ineqarnermut, Sanaartornermut Attaveqatigiinnermullu Naalakkersuisoq, Knud Kristiansen
Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq, Vittus Qujaukitsoq
Aalisarnermut, Piniarnermut Nunalerinermullu Naalakkersuisoq, Karl-Kristian Kruse
Ilaqtariinnermut, Naligiissitaanermut Isumaginninnermullu Naalakkersuisoq, Martha Lund Olsen
Peqqissutsimut Naalakkersuisoq, Doris Jakobsen
Ilinniartitaanermut, Kultureqarnermut, Ilisimatusarnermut, Ilageeqarnermullu Naalakkersuisoq, Nivi Olsen
Pinngortitamut, Avatangiisinut Inatsisinillu Atuutsitsinermit Naalakkersuisoq Mala Høy Kuko

Kommuninit KANUKOKA-miillu peqataasut:

Kommune Kujallermi borgmesteri Jørgen Wæver Johansen, skypekkut
Kommuneqarfik Sermersuumi borgmesteri Asii Chemnitz Narup
Qeqqata Kommuniani borgmesteri Hermann Berthelsen
Qaasuitsup Kommuniani borgmesteri Ole Dorph
KANUKOKA-mi siulittaasoq Palle Jerimiassen

Taaseqataasinnaanatik peqataasut:

KANUNUPE-mi siulittaasoq Jens Kristian Therkelsen

Allaffeqarfimmit peqataasut:

Naalakkersuisoqarfimmi pisortaaneq Søren Hald Møller
Naalakkersuisoqarfimmi pisortaaneq Nikolai S. Christensen
Naalakkersuisoqarfimmi pisortaaneq Jørn Skov Nielsen
Naalakkersuisoqarfimmi pisortaaneq Julie Præst Wilche
Naalakkersuisoqarfimmi pisortaaneq Jørgen Isak Olsen
Naalakkersuisoqarfimmi pisortaaneq Mette Skaaregaard Pedersen
Naalakkersuisoqarfimmi pisortaaneq Lone Nukaaraq Møller
Naalakkersuisoqarfimmi pisortaaneq Jørgen T. Hammeken-Holm
Imaqarniortoq Peter Hansen
Immikkoortortaqarfimmi pisortaq Martha Abelsen
All.Allaffimmi pisortaq Marianne Petersen
AC-fuldmægtigi Ole Christiansen
Immikkoortortaqarfimmi pisortaq Ruth Lindhardt
Immikkoortortaqarfimmi pisortaq Karl Kristian Olsen

Kommunaldirektøri Frank Hedegaard Jørgensen, skypekkut
Inuussutissarsiornermut pisortaq Kenneth Høegh, peqataangilaq
Pisortaaneq Steffen U. Lyng
Aningaasaqarnermut pisortaq Lars Møller Sørensen
Kommunaldirektøriip tullersortaa Laust Løgstrup
Kommunaldirektøri Hans Eriksen
Direktøri Hans-Peder Barlach Christensen

Ataatsimiinneq sioqqullugu CSR-Greenland aamma MIO suliatik pillugit naatsumik saqqummiipput.

Ullormut oqaluuserisassat:

- 1. Oqaluuserisassatut kingullermillu ataatsimiinnermit imaqarniliap akuersissutigineqarnerat (ilanngussaq 1)**

Martha Lund Olsenip imaqarniliami ullormut oqaluuserisassani imm. 3.1.3-p iluarsineqarnissaa kissaatigaa, tassani aalajangiunneqarsimavoq ulloq unnuarlu paaqqinnittarfiit tunniunneqarnerinut suliap ingerlateqqinneranut ilusiliussaq 2 inassutigineqarneratut tunngaviussasoq. Periusissaq 2 aqqutigalugu ulloq unnuarlu paaqqinnittarfiit nuna tamakkerlugu atuuttuunissaat qulakkeerneqassaaq.

Ullormut oqaluuserisassat kingullermillu ataatsimiinnerup imaqarniliaq Aalisarnermut, Piniarnermut Nunalerinermullu Naalakkersuisup, Karl Kristian Krusep ataatsimiinnermi peqataasutut ilanngutereerlugu Naalakkersuinikkut Ataqtigiissaarisooqatigiit akueriniarlugu aalajangerput. Imaqarniliaq iluarsisaq nassiuunneqarumaarpoq.

2. Immikkoortut akuerisassat

2.1. Pisortat ingerlatsiviisa aqqissuussaannerisa ilusiligaanerat (ataatsimoortumik ilanngussaq 2 NSN, AN)

Naalakkersuisut suliassat isumagisassat suliarineqarneri misissuleruttorpaat, 2016-ilu tassaavoq ukioq suliassat suut kommuninut nuunneqarsinnaanerini misissuiffiusussaq. Kommunip naliliinera Jørgen W.-ip Nunamut Namminermet Immikkoortortaqqarfimmu nassiuutissavaa.

Naalakkersuinikkut Ataqtigiissaarisooqatigiit Aaqqissuussaannermut Ataatsimiititaliap isumaliutissiissutaani anguniagassatut, periusissatut aamma tunngaviusumik naatsorsuutigisatut siunnersuutigineqarsimasut aalajangiussimaneqassasut ilaatigut aalajangiuppaat, ilaatigullu missingersuusiorarneq pillugu suleqatigiinnissamut isumaqtigiissummi immikkoortortat pingaernerit, taakku pisortat aqqissuussaannerisa aqqissugaanerini isumalioqqinnissamut tunngaviusut.

2.1.1. Naalakkersuisut aqqissuusaanikkut aqqissuusseqqinnerup malitseqartinnerani suliarinneqqinnerat (ataatsimoortumik ilanngussaq 3 NSN, AN)

Kim Kielsenip BDO-p misissueqqissaarnera tunngavigalugu oqaatigaa Qaasuitsup Kommuniata avinneqarnissaa akisoorujussuussasoq, aamma Ilulissanut. Marloqiusamik allaffissorreq avaqqunneqarsinnaanngilaq. Ullutsinnili kommuni angivallaarpoq. Kommunip qanoq avinneqassava. Matumunnga tunngatillugu kommunit isumaat tusarusuppai. Kommuni avinneqarpat kinguneri erseqqissarneqassapput. Innuttaasut siumut innuttaasutut taasitsinnginnermi aningaasatigut kingunerisassaanik ilisimatinneqanngillat.

Inatsisartunut ataatsimiititalianullu suut nalunaarutigissavagut? Atorfilittat misissueqqittariaqarpat?

Kommunit assigiinngitsunik isumaqarput. Kommunit allat pingasut Qaasuitsup Kommuniata avinneqarnissaa akuliuffigerusunngilaat, allaqqasorli malillugu A, B, C-nut agguarneqannginnissamik kissaatertik attatiinnarlugu, taamaattumillu kommunit Qaasuitsup Kommuniani innuttaasut amerlassusaat eqqarsaatigalugit minnerusariaqanngillat. Oqaatigineqarportaaq Aaqqissuussaannermut Isumalioqatigiissitap tunngavigisassai akuerineqaaqqammertut, sukkanerusumillu sulisoqartariaqartoq suliassanik nuussinissat aallartinneqarnissaat pillugu.

Qaasuitsup Kommunia pingasunngorlugu avinneqassasoq kissaatigineqarpoq. Kommuni Naalakkersuisunik isumaqtiginninniarusuppoq. Demokratini ataatsimiititaliap sulinissartik piareersimaffigaat Naalakkersuisut siulittaasuatalu sapaatip akunnerata tulliani kommunimukarnissaa qilanaarlugu. Borgmesterip aamma oqaatigaa apeqqut oqallisaajuannarsinnaanngitsoq.

Randi Vestergaard Evaldsenip oqaatigaa avissinissamik apeqqutip sineriak tamaat sunnissagaa. Taamaattumik kommunit tamarmik suleqataanissaat, Inatsisartullu suleqatigalugit tamanna aalajangerneqarnissaa pisariaqartoq.

Kim Kielsenip naggasiullugu nalilerpaa, atorfillitaniit kisitsisinik piviusunik peqassagaluartoq, taakkulu kisitsisit Naalakkersuinikkut Ataqtigiissaarisartoqtigiinnut aasartinnagu saqqummiunneqassasut.

Naalakkersuinikkut Ataqtigiissaarisoqtigiit allakkiami ajornartorsiutit qaqqinneqartut oqallisigaat, aalajangerlutillu ataatsimoorussamik oqaaseqaammik tusagassiuitigut nalunaarnikkut saqqummiussissallutik, Inatsisartunullu ilisimatitsissummik nassiussisoqassasoq.

2.1.2. Najukkami oqartussaaqataanerup nukittorsarneqarnissaanut siunnersuut (ataatsimoortumik ilanngussaq 4 NSN, AN aamma IKINN)

Kommunit najukkami ataatsimiitalianik ikilisitsinissamat tunngatillugu assigiinngitsunik isumaqarput. Isumaq ataatsimut isigalugu tassaavoq kommunit namminneq najukkami ataatsimiitalianik ikilisitsinissaq aalajangissammassuk.

KNR-ip kanaalia akeqassanngitsoq kommuninit suli aalajangiusimaneqarpoq, inuiaqtigiit inunnik sullissinissamik isumaqtigiissut Aningaasanillu Inatsisit aqputigalugit akileereernikummata. Naalakkersuisut KNR-ilu isumaqtigiissummik atsiugaqaleruttortut Kultureqarnermut Naalakkersuisoq oqarpoq. KNR 2 qanoq atoruminarnerusinnaanersoq KNR-imit misissorneqassasoq Naalakkersuisut inassutigisimagaat. Naalakkersuisut suut piumasarineqarnersut mianersuunneqartassasut aamma Naalakkersuisup oqaatigaa.

Inassuteqaatit aalajangersimasut:

- Ilaatigut siammartiterinissaq, innuttaasunik peqataatitsinissaq innuttaasullu naammagisimaarnissaat, piginnaatitaanerit, aningaasaqarneq kommunalbestyrelsimullu atassuteqarneq eqqarsaatigalugit najukkami siunnersuisoqtigiit, atuisunut siulersuisut nunaqarfinnilu siulersuisut misillitagaqarfignerannik 2016-imi ukiup affaata siulliup ingerlanerani nalilersuineq. Nalilersuinermit ilaatigut kaammattuutit imaattunik saqqummiussinermik angusaqarfiussaaq
 - tamat oqartussaaqataaneranni sunneeqataasinnaanerpriarfissinneqarnissaa,
 - kommunalbestyrelsimullu aammalu najukkami siunnersuisoqtigiit, atuisartunut siulersuisoqtigiit nunaqarfinnilu siulersuisut akornanni atuuffiit ersarissummik naapertuuttumillu agguataarneqarnissaat pillugu isumaliutinik saqqummiussinissaq
 - ilaatigut allaffissornermut qinikkanullu aningaasartuutit ataatsimut isigalugu annikillisinneqarnissaannik, ilaatigullu kommunit nukittorsarneqarnissaannik immikkoortoqarfinnillu attanneqarsinnaasunik qularnaatsumillu tunngaveqarlutik suliassanik oqimaannerusunik isumaginnissinnaasunik angusaqarnissaaq pillugu aaqqiissusseqqinnermi anguniakkanik tunngaveqarnissaaq.
- Naliliineq siuliani taaneqartoq aallaavigalugu ilaatigut najukkani tamani toqqakkanik aalajangiinnaassuseqartunik missingersuutillu malillugit akisussaafileerqartunik pilersitsinissamat inatsisitigut piginnaatitsisummik inatsisissatut siunnersuummik siusinnerpaamik UPA 2017-imi saqqummiussisoqassaaq.
- Najukkami sullissivinni sullissinerup pitsaassusaanut, tassunga ilanngullugu najukkap qanoq angitiginera apeqputaatillugu sullissinerup assigiinngissitaarnissaanut periusissanik kommunit pingaannerusutigut tunngavissiusasut. Tamanna kommunalbestyrelsimi aalajangigassanngortinneqarsinnaavoq, immaqalu periusissaaq pitsaanerpaaq ujartorlugu misillitakkanik pitsaanerpaanik aaqqiissugaasummik avitseqatigiittoqarsinnaalluni, kiisalu aaqqiissutissat digitaliusut periutsillu aalajangersimasut ataatsimut ikorfartuutigalugit.
- Ataatsimut periusissat digitaliusut ilaatigut tamat oqartussaaqataanerannut qanoq ikorfartuutaasinnaanerpriarfissinneqarnissaaq ilaatigullu innuttaasut sullinneqarnerannik qanoq pitsanngorsaataasinnaanerpriarfissinneqarnissaaq amerlanerpaanik atorluarneqarsinnaaqqullugit qanoq siammartitersinnaanerannut aalajangersimasummik siunnersuusiornissaaq kommunit Digitalinngortitsinermullu Aqutsisoqarfiup suliassaralugu akisussaafigaat.

- Siuliani allassimasunut atatillugu kommunalbestyrelsit ataatsimiinnerisa aallakaatinneqarsinnaanissaat qulakkeerniarlugu immaqalu nuna tamakkerlugu ataatsimeersuarnerit il.il. soqutiginarinneqarnerulernissaat qulakkeerniarlugu tunngavissat minnerpaaffissaannik suliaqartoqassasoq.

Naalakkersuinikkut Ataqtigiissaarisooqatigiit inassutigineqartut oqallissutigaa akueralugillu, najukkamilu tamatumunnga sulineq ingerlaannassasoq aalajangerneqarpoq.

2.1.3.Suliassanik, taakkununnga ilanngullugit ulloq unnuarlu paaqqinniffinnik sanaartornermillu nuussineq (ataatsimoortumik ilanngussaq 5 NSN, AN, ISAN, IKINN, ININ)

Martha Lund Olsenip oqaatigaa, kingullermik ataatsimiinnermi aalajangerneqartoq naapertorlugu ulloq unnuarlu paaqqinniffinni suliniutit aallartereersut. Atortussat immikkoortinneqarsimapput sanaartornerlu aallartinneqarpoq. Kommunimi isumaginninnermut ataatsimiititaliaq Kalaallit Nunaanneersoq Danmarkimi ataatsimiissimavoq.

Kommunit apeqqutissaqarsimapput oqaluserineqartumilu kissaateqarsimallutik, matumani teknikkikkut ingerlatsiviit Masantip nalunaarusiaa malillugu aalajangiisoqannginnerani tusarniarneqarnissaat. Oqaatigineqarportaaq marloqiusamik nakkutilliisoqartariaqanngitsoq.

Inassuteqaatigineqarpoq immikkoortut suut isummernissamut tunngavissiami immikkoortut taaneqartut saniatigut ukiuni aggersuni nuunneqarsinnaanersut Politikkikkut Ataqtigiissaarisooqatigiit ataatsimiinnermi tullermi oqallisigissagaa.

Ineqarnermut suliassaqarfimmut inassutit:

Immikkoortunut pilersaarutit tamarmik 2016-imi tunniunneqarnissaat naatsorsuutigineqarpoq, taamaattumillu upernaq 2017-imi tunniussinissamik isumaqatiginninniartoqarsinnaavoq, AI 2018-imi ukiunilu tulliuuttuni aningaasaliissutissanik ilanngussinissaq anguniarlugu.

Periarfissaq alla tassaavoq immikkoortunut pilersaarutit kommunikuutaarlugit kommunit ataasiakkaat isumaqatiginiarneqarsinnaapput.

Namminersorlutik Oqartussaniit Kommuninut aalajangersimasumik tunniussineq immikkoortunut pilersaarutit inassutaannut tunngaveqarsinnaavoq, kommunimi Namminersorlutik Oqartussat illuutai allatorneqarsimappata.

Isumaqatiginninniarnermi makku ilaasinnaapput:

- Immikkoortunut pilersaarutit inassutai Namminersorlutik Oqartussat naammassissavaat, kingornalu illuutit kommunimut tunniunneqarlutik
- Namminersorlutik Oqartussat illuutit kommunimut tunniutissavaat, kingornalu kommunip suliassat nassuiarneqarnikut naammassissavai pitsaassuseq nassuiarneqartoq tikillugu, suliamullu atortussat isumaqatigiissutigineqarnikut utertillugit.
- Tamakkiisumik suliaqarfimmik tunniussineq isumaqarpoq, kommunip siunissami aningaasaqarneranut illuutillu aserfallatsaaliornissaannut akisussaaffiit tamakkiisumik tigugai.
- Siunissami aserfallatsaaliinissaq pillugu illuutini immikkoortitsinermi pitsaassutsimik minnerpaaffiliineq, siunissami aserfallatsaaliineq pisarialik isumannaarniarlugu
- Suliniutit immikkuullarissut pillugit isumaqatigiissut (inissianik nutaanik pisariaqartitsineq ass. aatsitassarsiornerni nutaani assigisaaniluunniit).

Ilinniartitaanermut tunngasunut kaammattuutit:

Aqutsisoqatigiinnit kaammattuutigineqassaaq, tamakkiisumik akisussaaffiup kommuninut inissinneqarnissaa, taamaasiornikkummi qularnaarneqassammat perorsaanikkut, ilinniartitsinikkut aamma teknikkikkut ingerlatsivimmuut ingerlatsinerup aamma illuutinut akisussaaffiup akornanni toqqaannartumik ataqtigiittoqarnera. Taamatuttaarlu tamatut inissiinermi oqartussaasut arlallit

akornanni akitsorsaataasumik kigaalaqutaasumillu ataqatigiissaarisarnissamut annikinnerpaamik pisariaqartitsinermik nassataqassaaq, aalajangeeriaatsimilu innuttaasunit isigalugu annertunerpaamik paasinernerpaasoqassalluni.

Aqutsisoqatigiinnit kaammattuutigineqassaaq, kommuninut atuinernik il.il. nalunaarutiginnittarnermut atatillugu kommunit ataatsimoorussamik pisortatigoortumik aaqqiineq pillugu isumaqatigiissuteqassasut. Kaammattuutigineqassaaq, aningaasanik atuinernit ukiumoortumik nakkutilliinermut Namminersorlutik Oqartussanut periusissaq isumaqatigiissutigineqassasooq sinaakkusiussatut aalajangiunneqarsimasup iluani, taamatullu nakkutilliisarneq ataatsimoorussamik pisortatigoortumik aaqqiinermi tapersorsorneqartassasooq.

Kaammattuutigineqarpoq aaqqissuussineq siunnersuutigineqartoq 2019-imi nalilersorneqassasooq.

Suliassat nuunneqarnissaannik pillugit aalajangiussat:

Suliassat nuunneqarnissaasa piareersarnerannut sinaakkutitut tunngaviit aalajangerneqarnikut Politikikkut Ataqatigiissaarisooqatigiit aalajangiussimassagaat, aamma inassuteqaatit Politikikkut Ataqatigiissaarisooqatigiit akuerissagaat, suliassat nuunneqarnissaannik piareersaaqqinnissamut tulleriinnilersuilluni pilersaarutissatut siunnersuutissaq pillugu isummernissamut tunngavissiasaq Politikikkut Ataqatigiissaarisooqatigiit ukiakkut ataatsimiinnissaannut piareersarneqassasooq.

Sulinerullu killiffissiorneqartarnissaa ulloq unnuarlu angerlarsimaffiit pisorta qarfianut tusaatissatut tigusassanngorlugit.

2.2. Pisortat suliassa qarfianni aningaasaqarnermik aqutsinermi pitsanngorsaaneq (ilangussaq 6 AN)

Kommunit oqaluuserisamut assigiinngitsunik apeqquteqarput immikkoortumi Naalakkersuisumit akineqartunik.

Naalakkersuinikkut Ataqatigiissaarisooqatigiit aalajangerput aningaasaqarnermik aqutsinermut piginnaasat ineriartortinnissaanut ingerlatsinissamut pilersaarut akuerissallugu. Kissaatigineqarportaaq suliniutit aallartinneqartut assigiinngitsut ersarissumik nalunaarutigineqartarnissai.

3. Immikkoortut ilisimatitsissutit

3.1. Atuarfimmuut tunngasuni inuusuttunillu sullissinermi siuariartornerup killiffia (ilangussaq 7 IKINN)

Inuusutissarsiornermut, Suliffeqarnermut, Niuernermit Nunanullu Allanut Naalakkersuisup, Vittus Qujaukitsup oqaatigaa, UKA 2015-imi Inatsisartut inatsisaat nr. 28 9. december 2015-imeersoq suliffissanut, ilitsersuisarnermut pikkorissaqqinnernullu qitiusumik ingerlatsiviit pillugit inatsit atuutilerneqartoq, suleqatigiissitaliap nalunaarusiami kingornatigullu inassuteqaatimini eqqumaffigsimangikkaa.

Borgmesterit naqissuseqqippaat Piareersarfiit pillugit allanngortoqartariaqartoq, siunertarineqanngimmat taakku piginnarnissaat, kisiannili atorneqarneri annikillisinneqartussaasut.

Naalakkersuinikkut Ataqatigiissaarisooqatigiit ajornartorsiutinik arlalinnik oqallittoqareernerani ilisimatitsissut tusaatissatut tiguaat.

3.2. Meeqqanut atugarliortunut suliniuteqarnerup killiffia (ilangussaq 8 ININ)

Naalakkersuinikkut Ataqatigiissaarisooqatigiit ilisimatitsissut tusaatissatut tiguaat.

3.2.1. Qitiusumik Pinaveersaartitsinermut Ataatsimiititaliaq pillugu allakkatigut ilisimatitsineq, CFU (ilangussaq 9 Peqqinnissaqarfik)

Kim Kielsenip oqaatigaa Narsami, hashimik atornerluisunut katsorsaavittut kommuni misileraaffiunissaa ilanngunneqassasoq. Tasiilaq arlaatigut ilanngunneqassaaq, Naalakkersuisoqarfiit akunnerminni suleqatigiissasut inissianik amigaateqarneq, atornerluineq, suliffissaaleqineq aamma meeqqanik kinguaassiuutitigut atornerluisarnerup aaqqiiviginarlugit suleqatigiissasut politikkikkut tamanna aalajangerneqarnikummat. Dorisip oqaatigaa suliaq ilanngunneqartoq.

Borgmesterit naqissuseqqippaat Piareersarfiit pillugit allanngortoqartariaqartoq, attatiinnarneqarnissaat siunertarineqanngimmat, kisiannili atornerarneri annikilliskkiartuaarnissaat siunertaammat.

Naalakkersuinikkut Ataqqatigiissaarisooqatigiit ilisimatitsissut tusaatissatut tiguaat.

3.2.2. Kommunit namminersornerinut akuleruttumik inatsisissatut siunnersuummit tunngaviumik oqallisiginninneq (ilanngussaq 10 Kommuneqarfik Sermersooq)

Naalakkersuinikkut Ataqqatigiissaarisooqatigiit ajornartorsiut oqallisigaat aalajangerpullu suleqatigiinneq aamma inatsisiliornerup tungaatigut pingaaruteqarluinnartoq. Kommunit piumasarivaat inatsisissatut siunnersuut utertinneqassasoq, suleqatigiinneq arlaatigulluunniit siuarsanngimmaqu. Naalakkersuisup Vittus Qujaukitsoq tusarniaaneq suli naammassinngitsaq erseqqissarpaa, kisianni immikkoortumi Naalakkersuisup inatsisissatut siunnersuut suliarissavaa tusarniaaereernerullu kingorna aaqqiissutissanik saqqummiussilluni.

3.2.3. Meeqqat inuusuttullu misissorneqarnerat - immikkoortut akunneranni suleqatigiinneq (ilanngussaq 11 ININ)

Naalakkersuinikkut Ataqqatigiissaarisooqatigiit ilisimatitsissut tusaatissatut tiguaat.

3.3. Kommunit Namminersorlutillu Oqartussat akornanni siunissami suleqatigiinnissaq pillugu (ataatsimoorussamik ilanngussaq 12 NSN, AN aamma KANUKOKA)

Asii C. Narup ilisimatup allakkiaa soqutiginarluinnartoq oqaatigaa, kisianni aamma allassimavoq Naalakkersuisut isumaqatiginninniarsinnaalluartut kommunilli suleqataasariaqartut. Tamanna kommunip piareersimaffigaa.

Naalakkersuinikkut Ataqqatigiissaarisooqatigiit ilisimatitsissut tusaatissatut tiguaat.

3.4. Kiffartuussinissamik isumaqatigiissutip killiffianik paasissutissanik noqqaassut (ilanngussaq 13 Qaasuitsup Kommunia)

Knud Kristiansenip angallassineq pitsaavallaarsimanginnera oqaatigaa, tamannalu aaqqinniartugulu suliniartoqarpoq. Tamanut iluaqutaasumik unammilleqatigiinnermik annerusumik takkuttoqarnissaa kissaataavoq.

Sulinermi kommunit pisarialittut inissisimapput. Naalakkersuisut aprilip qaammataani Aningaasaqarnermut ataatsimiititaliamut qinnuteqarnissartik naatsorsuutigaat. Tamanna angallannermut nassuiaammut aamma atavoq.

Kommunit isumaqarput innuttaasut pitsaanerusumik sullinneqassagunik kommunit ilaatinneqarnissaat pisariaqartoq.

4. Illugiilluni allakkatigut ilisimatitsissuteqarneq (ilanngussaq 14-18)

4.1. Nuna tamakkerlugu pilersaarusiorneq pillugu nassuiaammit 2016-imi suliaqarnerup killiffia (Ilanngussaq 14 AN)

4.2. Aaqqissuuseqqinnernik suliniuteqarnermut killiffik pilersaarutillu (Ilanngussaq 15 AN)

4.3. IBA-mik isumaqatiginninniarnert killiffiat (Ilanngussaq 16 Inuussutissarsiorneq)

4.4. Qaasuitsumi Oqarasuaateqarnikkut ajornartorsiorneq – kingullermik ataatsimiinnermit malitseqartitsineq (Ilanngussaq 17 Digi Aqutsisoqarfik)

4.5. Tunngaviumik paasissutissanik nutarterinermut pilersaarutip killiffia (Ilanngussaq 18 Digi Aqutsisoqarfik)

Naalackersuinikkut Ataqtigiissaarisogatigiit oqallisigineqareernerini allaganngorlugit ilisimatitsissutit tusaatissatut tiguaat.

5. Tamalaat aamma tullianik ataatsimiinnissamut siunnersuut oktober 2016 qeqqani, imaluunniit oqarasuaatikkut ataatsimiinnissamik periarfissaq pisariaqartinneqariataassappat.

Isorliunerusuni nutaanerusunik sanaartornissamut ilusissaliornissaq pillugu isumasioqatigiinnissamut qaaqquusissut nassiunneqareerpoq. Ullup affaa najuulluni ataatsimiinneq kommuninut illoqarfimmi najugaqanngitsunut akisuallaarpoq. Ataatsimiigiaqqusinermi nunami avatangiisini pissutsit eqqumaffiginissai pisariaqarpoq.

Isumaqtigiissutigineqarpoq ataatsimiinnermi atortussat ullut 14-it sioqqullugit nassiunneqartassasut, piffissamilu eqqortumi oqallisigisassanik ilanngussisoqartarnissaa anguniarlugu piffissamik killiliisoqassaaq.

Ataatsimiinneq nal. 16:45 naammassivoq.